

C V D

A I G G

1 6 0 4

D. 4. 58

~~oo hi~~

oo sp

949.
~~W. 3 248 X~~ ^{1/2}



an

39

Von entstandener vneinigkeitt

Vnnd darauff erfolgten grossen Blutbergiessen / so sich
newlich verschienet tagen im Bosner Landt zwischen den Tůrcken zugetragen / davon hiehero
an der Kay: May: vnserz allergnedigsten Herrn Hoff / nicht allein vom Obristen Ban aus dem
Windischen Landt / Herrn Hansen von Draschkowitz / sondern auch von Ihr Für: Dur: Erzherz
zog Ferdinanden zu Osterreich / von Grätz aus / diß 1604. Jahr vor Pauli bekehrung
gewisser schriftlicher bericht geschickt worden. Mit angehengeten Bericht / das der
Tůrckische Keyser Suldán mit Tode abgangen.



Erstlich mit bewilligung der Obrigkeit
Gedruckt in der Allen Stadt Prag / in der Schumannischen Druckerey.

35. fünf





Also verwichenes Jahrs das Tür-
ckische Leger zu rück gezogen / hat desselben
Oberster der Serdar Bassa seinen Mit-
gehülffen vnd andern Obristen den Scri-
uan, alles fleisses ermanet vnd bewegen wollen / das
er mit jme nach Constantinopl / vnd nicht nach Bosna
ziehen solte. Dieser aber hat angezeigt: Sein Kaiser
der Sultan habe jhme dz Fürstenthumb Bosna durch
sein Kayserlich Brief vñ Sigl / vnd mit seinem Mund
auff die zeit seines lebens gegeben / dieser gnad wol Er-
theilhaftig werden / vnd mit der that selbst erfahren /
was das für ein Landt sey / das jme für seine getrewe
Dienst ertheilt vnd geschenckt sey worden. Darwie-
der hat der Serdar replicirt: Es weren die Bosneser
schwierig vnd wiederwertig / vnd wolten Jhne zum
Herrn nicht haben / weil vor diesem nie erfahren / das
einen einigen andern dergleichē stato, auff zeit seines
lebens gegeben worden were. Damit nun nicht et-
wan ein inconuenienz oder tumult hiraus erfol-
gete / so solte er dismal nicht dorthin / sondern mit jme
gen Constantinopl zihen / der Sultan würde alsdā
seine wort wol haltē / oder in entstehung einiger diffi-
cultet jne mit einem andern viel statlichem ansehn-
lichen stato versehen. Es hat sich aber der Scriuan
durchaus nicht abweisen lassen wollen / sondern dem
Serdar geantwortet: Das er jme nicht mehr trawete
/ dann er es dafür hielte / das sein vñd anderer
Türcken intention sey Jne ganz vnd gar zu ruiniren

A ij

vnd

vnd vmbß leben zubringen / wie sie auch dessen einen
statlichen anfang gemacht / da sie jüngst hin sein
Volck allein in der Adoner Insel wieder die Christen
verfährt vnd in sich gesetzt / sintemal ihme daselbst
allein der seinigen vber zwey tausent der besten srett-
baren Menner geblieben. Solte er nun jeko / für sol-
che mühe vnd arbeit / auch manigfaltig an vnßichern
örten bewiesene vnd außgestandene Dienste / der ime
ertheilten gnad nicht geniessen / sondern allererst ei-
ner andern erwarten / so möchte es ime zu lang wer-
den.

Hat derowegen seinen weg / mit dem Rest seines
Volcks / deren noch vber drey tausent gewesen / nach
Bosna genommen. Do nun die Bosner von seiner
ankunft vernommen / haben sie ihme alsbald etliche
von den ihrigen entgegen geschickt / vnd ermahnen
lassen / ferner zu ihnen nicht zurücken / dann sie ihne
zum Herrn anzunemen nicht wüßten noch köndten.
Er aber hat sich solches gar nicht irren lassen / Son-
dern ist fort gezogen / vnd wo er widerstand gefun-
den / alles verhegt / in Brand gesteckt / vnd grosse
Beut deren orten erlangt.

Dargegen hat der Zefar Bassa von Bosna das
ganße Land auffgemahnet / vnd vber die zwölff tau-
sent Bosner Türcken / mit denen er dem Scriaano ent-
gegen gezogen / zusammen gebracht. Wie also der
Scriuan solche grosse macht gemerckt vnd gesehen
das er derselben viel zu schwach were / hat er sich auff
einen.

etlichen list vnd stratagemata gebwendet / vnd bey et-
nem Paß an dem Wasser auff einer Wiesen / da er
sein Lager geschlagen gehabt / allen den seinen gebot-
ten / das sie alle ihre Gaglien, als da seynd / Aleyder/
Geräthe / Rosßzeug / Risten / Kasten / Falles / vnd
dergleichen in den Zelten lassen / vnd mit ihren bloß-
sen Harnischen vnd Wehren mit ihme dauon ziehen
soltten. Daneben aber in der Nacht im Lager gar viel
Feywer machen lassen / als wann es noch alles im La-
ger were / gleichsfals auch etliche angestellt / die zu
den Bosner Türcken geflohen / vnd angezeigt: Es sey
der Scriuan aus forcht ihrer macht in der Nacht ent-
lauffen / vnd habe seinen weg nach Constantinopl ge-
nommen. Darauff das Türckische Heer in des Scri-
vani Lager gefallen / vnd weil sie niemand als etlich
wenig Francke darinnen befunden / von den selbst
auch gleichen bericht / das der Scriuan zurück gezo-
gen / erlangt / vnd sonst durch ire spär nichts anders
erfahren können / haben sie sich ober den Raub ge-
macht / angefangen Risten vnd Kasten aufzuschla-
gen / die Zelt abzureissen / vnd sich ober Speiß vnd
Tranck / so sie daselbst gefunden / zumachen. Vnter
dessen nun / vnd wie sie sich am besten zum handl ge-
schickt gemacht gehabt / ist der Scriuan omb mitter-
nacht in der stille zurück gekommen / vnd do er seine
Feinde ober den Raub gefunden / hat er wacker in sie
gesetzt / vnd dieselben leichtlich / weil sie nicht armirt
gewesen / getrennet / deren bey sechs tausent auff der

Wahlstadt erlegt / den Rest in die flucht geschlagen /
vnd die meisten in das Wasser Driawa genandt / ge-
jagt / ist auch selbst alsobald nach der Haubtstadt vnd
Bosnischenresidencz Bannialuka gezogen / hat die-
selbe eingenommen / vnd drey ganzer tag vnd nacht
auffeinander freuden Feuer gemacht / alle Stück ab-
gehen / vnd das Volck mit Essen vnd Trincken statt-
lich versehen / daneben auch anzeigen lassen : Wer es
mit ihme halten vnd ihme sich ergeben wolt / der
möcht es thun : wer aber nicht / den wird er wol sin-
den können. Dieses hat er auch den Sultan gen Con-
stantinopl zugeschrieben vnd angezeigt / das er seine
Stad eröbert habe / bittend ihme dabey zuschützen : wo
aber nicht ? würde deren orten der Christliche Keyser
ihme schutz halten.

Gleicher gestalt hat er auch also balden an den
Ban aus Grabatten Herrn Hansen von Draschkow
wiz schreiben geschickt / vnd sich aller guter nachbar-
schafft vnd correspondencz anerbotten : Dem hie-
wiederumb vom Ban geantwortet vnd gleichs fals
gute correspondencz hülf vnd beystand zugesagt
worden / das man also verhofft / es werde noch et-
was guts aus diesem seltsamen anfang erfolgen /
sonderlich weil diese Sechs tausent Türcken / so er-
schlagen worden / nicht allein der rechte glum vnd
Khern des Fürstenthumbs Bosna / sondern fast der
ganzen Türcken gewesen. **GOTT** der Allmechtige
wölle des Christlichen Volcks fürnehmen ferner seg-
nen /

nen / damit / wie vor zeitend das Ottomanische Türcki-
sche ungezifer durch untereinander entstandenen wi-
derwillen vnd vneinigkeitt ehlicher Christlichen Ven-
der vnd Potentaten gewachsen vnd sich gemehret / al-
so auch an jeko durch der Christen einigkeit / vnd
hiergegen ermeltes ungezifers wieder einander erre-
gende feindschafft wiederumb zu grund gehen / vnd
genzlich ausgerottet werden möchte. Seynd dero-
wegen allesambt verpflichtet / Gott den HErrn vmb
solche Christliche vereinigung trewlich zu bitten.

Den 8. Februarij 1604. Ist von Prag vor ge-
wiß ausgeschrieben / das der Türckische Keyser mit
Tode abgangen / daher die Türcken gar kleinlautend /
vnd bey der Römische Keyserlichen Mayest: vnser
aller gnedigsten Herrn vmb Friede zu tractiren / an-
halten / Gott gebe zum guten glück / das solches
dem ganken Römischen Reich zum besten
gereichen vnd gedeyen
möge.



Faint, illegible text, likely bleed-through from the reverse side of the page.







11 Ktch. Handelsdre. - Register 1954



153336

AB 153 036 (1)

Nv 29 Hs
20. 567

3

ULB Halle
002 068 966



Sky 20

VIT7




Faint handwritten text, possibly a library stamp or inventory number.

Faint handwritten text, possibly a library stamp or inventory number.

15





B.I.G.

Farbkarte #13

Blue Cyan Green Yellow Red Magenta White 3/Color Black

39

...ener vneinigkei

...grossen Blutvergiessen / so sich

...ndt zwischen den Türcken zugetragen / davon hiehero
...Herrn Hoff/nicht allein vom Obristen Ban aus dem
...schlowitz / sondern auch von Ihr Für: Dur: Erzherz
...branz aus/ diß 1604. Jahr vor Pauli bekehrung
...t worden. Mit angehengeten Bericht/ das der
Suldan mit Tode abgangen.



...illigung der Obrigkeit
...ag / in der Schumannischen Druckerey.

Rund

